

Q. D. B. V  
DISPUTATIO PRIOR  
DE  
POENIS  
OCCVLTE SVMTIS

---

QVAM  
PRAESIDE  
MARTINO HASSEN  
POTENTISSIMI REGIS POLONIARVM  
AC PRINCIPIS ELECTORIS SAXONIAE SACRI  
ROMANI IMPERII H. T. VICARII CONSILIA  
RIO AVLICO EODEMQUE MORALIVM  
ET CIVILIVM PROFESSORE PVBLICO  
ORDINARIO  
PATRONO SVO PIE DEVENERANDO  
AD DIEM IVLII A. R. S. MDCCXLV  
INSTITVET  
AVCTOR RESPONDENS  
M. DANIEL HENRICVS ERNESTI  
SCHREBIZ. MISNICVS

VITEMBERGAE  
EX OFFICINA HAKIANA







§. 1



Quoniam de poenis, quae occulte sumuntur, differendum est, poenaeque nomen latissime patet, non alienum uidetur, quae sit poenae notio, docere, quo facilius poenae, quae occulte infliguntur, a lectore possint comprehendi. Poena Graece dicitur *ποινή*. Praeclare enim Homerus Iliad. γ, u. 263, *μαχίστομα εἶναι ποινῆς*, pugnabo poenae causa. In legibus Graecorum poena definitur, *ποινή ἐστὶν ἀμαρτήματος ἐκδίκησις*, poena est peccati ultio. Saepissime etiam *ποινή* Graece appellatur *τιμωρία*. Quare Pausanias in Laconicis scribit, *τιμωρίας οἱ παλαιοὶ τῶν ἀνθρώπων ἀνόμασαν ποινὰς*. Cum uero *ποινή* a *ποιεῖν* descendat, quod non solum laborare, sed etiam dolorem percipere, significat, teste Guil. Budaeo, in commentar. Lingu. Graec. f. 923, *ποινή*, Latine poena nominata, laborem, cum dolore coniunctum, designat. Inde Hugonis Grotii definitio provenit, qui lib II, de I B. et P. cap. XX, §. 1, poenam malum passionis dicit, quod infligitur ob malum actionis. Quae quidem definitio Casparo Zieglero in not ad h. l. p 424, minime probatur, quod Grotius ea modo, quae contra legem committantur, non autem quae omittantur, hac definitione significauerit, sed Culpisius in Coll. Grot. exercit. IX, §. 1, in not ad h. l. collaudat eius sententiam, eamque sic explanat, ut quilibet plenam poenae notionem facile intelligat. Etenim existimat, actionis uocabulum latius sumi, pro omni eo, quod contra debitum legi, uel homini, seu faciendo, seu

Quid sit poena.

omittendo committatur, ut peccata omissionis simul comprehendantur. Quo fit, ut multi, Culpisum secuti, definitionem Grotii ratam omnino habeant, additis tantum eis, quae causas declarent. At sunt quidam, qui ab eo secessionem faciunt, et nouas plane definitiones componunt, quorum in numero Illustris Wolsius habetur, qui in Part. I Phil. Pract. uniuers. p. 223, Poenam malum dicit, quod cum actione connectit legislator, tanquam motiuum eam omittendi, uel committendi. Si hoc malum, quod cum actione connectit legislator, interpretari uelis, dolorem intelligas, quo quisque, si quid delinquit, a magistratu afficitur. Isto uero dolore magistratus aliquid boni assequi uidetur. Terrorem enim iniicit malis, ut omnes res, quae legibus repugnant, summo studio euitent, contra autem ea, quae cum iisdem bene conueniunt, in rebus expetendis ponant. Haec sit Wolsii sententia. Sed cum eadem definitio plurimis minus perspicua uideatur, in eaque causae, quae ad eam concurrunt, praetermissae sint, eam nunc meam facere nolo. Itaque sequar ea, quae Illustris Praeses in Synopsi sua p. 691, pos. 94, proposuit, et celeberrimus Baumeisterus in Defin. p. 208, tum pleniora, tum clariora, iudicauit. Ab eo enim poena dicitur coercitio, seu ultio delicti, a superiore, aut magistratu, ius puniendi habente, certi inflictione mali, ob ciuitatis salutem, ac laedentis laesque utilitatem, rite facta. Nunc, quoniam haec definitio omnia complectitur, quae ad plenam poenae cognitionem pertinent, hinc assumam, quae deinceps de poenis erunt dicenda.

## §. II

Quis poenam et cui constituere possit.

Poenae igitur, ut allata modo definitio ostendit, a superiore, aut magistratu, potestatem puniendi habente, constituuntur. Sed quis est ille, quem dicimus superiorem. Is, qui plurimum uel auctoritate,

te, uel dignitate ualet, nobis superior non est, sed huic, qui summum magistratum gerit, tribuitur nomen superioris. Potestate enim ferendi leges, uiribusque, quibus ciues, legibus subiectos, cogere possit, gaudet. Plura de hoc scire cupientes remitto ad citatam Synopsin, ubi p. 169, pos. 18, id uberius explicatur. Itaque duplex in tali superiore deprehenditur facultas, una moralis, seu potestas ferendi leges, altera naturalis, seu potestas cogendi. Prima facultas, quae moralis nominatur, ntitur iustis imperandi causis, quae tum existunt, cum ciues uel ultro se superiori subiiciunt, uel necessario ex eius arbitrio pendent. Altera uero, naturalis dicta, stabilitur uiribus ad cogendum sufficientibus. Magistratus enim omnium ciuium, qui ei obediunt, uires in sua potestate habeat, ciuesque sic instructi sint, necesse est, ut eius nutu omnes, uiribus ad rem gerendam coniunctis, prompti paratique inueniantur. Quemadmodum is, qui summam tenet potestatem, duplici, ut modo commemorauimus, pollet facultate, ita cuilibet ciui, huic parenti, duae qualitates tribuuntur. Primo regnanti, qui iure regnum administrat, ciues debent esse subiecti, quae quidem subiectio eisdem fundamentis, atque imperium, nititur, prout a me supra dictum est. Deinde eis facultas capeffendi leges, ab intellectu et uoluntate proueniens, a natura data sit, necesse est, quippe cum unius ope lex et is, qui legem tulit, cognosci, alterius autem ope actiones ad legem componi possint. Quoniam uero hi tantum, qui legibus non obediunt, easque uiolant, poena digni ducuntur, perspicuum est, eas hominibus, ratione pollentibus, esse datas. Itaque neque lex, neque poena, in bruta animantia cadit. Bruta enim, duabus his facultatibus, intellectu uidelicet et uoluntate, carentia, suos habent impetus, et sensu tantum atque appetitu reguntur. Ratione autem, quae demum assequitur, quid lex iubeat, uetet, aut permittat, omnino destituntur.

tuuntur. Non desunt quidem eruditi uiri, qui belluis, in aliqua saltem comparatione et analogia, rationem tribuunt. Si enim actiones bestiarum secum perpendunt, in iisque aliquid, quod, uel cum uirtute, uel cum uitio quodam, conuenire uidetur, deprehendunt, in illis uirtutis, uel uitii, imaginem se inuenisse, sibi persuadent. Qua de re perhibent, belluas egregia uirtutis edere simulacra. Sic existimant Laurentius Valla lib. IX, Dialect. et Thom. Campanella lib. VIII, de rebus naturalibus, Cap. XVI, item Hieronym. Rorarius libris duobus, quod animalia bruta ratione utantur melius homine, quos primus ex bibliotheca sua edidit, et Puteanis fratribus inscripsit, Gabr. Naudaeus, nouissime eutem recensuit, dissertatione historico - philosophica, de anima brutorum, adnotationibusque auxit Georgius Henricus Ribouius, edit. Helmstadii M D C C XXII X, 8. Plures commemorauit Illustris Iureconsultus, Eric. Mauritius, in dissertatione de Principiis Iuris publici, Cap. IV, Sect. I, §. V, p. 40, in eiusdem dissertationibus et opusculis edit. Argentorati, M D C C XXIV. 4. Conferatur etiam Illustr. Praeses in Synopsi p. 55, pos. 33. Sed falsa ducuntur opinione. Quamuis enim bruta animantia res, quae in sensus incurrunt, sentiant, atque eas, quibus sensus delectantur, expectant, contra uero, quae dolorem afferunt, euitent, nulla tamen his ratio est attribuenda, cum haec omnia ab appetitu, et naturali quodam instinctu profisciscantur. Igitur hoc, quod bestiae, natura impellente, faciunt, ab eo, quod ex mente et libertate uoluntatis prouenit, est discernendum. At quaerat quispiam, cur autem animalia, in grauioribus delictis adhibita, occiduntur. Sic bestia simul cum homine, qui ea, ad flagitium, peccatum Sodomiticum uulgo dictum, est abusus, concrematur. Huic responderetur. Quamquam bestia una cum homine morte perimitur, poena tamen, proprie sic dicta, non afficitur. Nam  
fit

fit hoc ideo, ut deleatur tanti facinoris memoria, atque e medio tollatur bestia, ne ignominia hominis, ad supplicium dati, bestia adhuc in omnium oculis uersante, augeatur, multisque sit offendiculo. Videatur hic Mauritius c. l. p. 46. Sic, quando bos apud Hebraeos, qui hominem occiderat, lapidibus in eum coniectis, necatus est, uel talis etiamnum apud nos quocunque modo tollitur, uti, ex sententia Collegii Iuridici hoc praescriptum fuisse, commemorat Carpzonius in Pract. crim. part. III, quaest. CXXXI, n. 22, hoc eo pertinet, ut damnum aliud, ab eiusmodi animali metuendum, auertatur, et dominus, propter neglectam bestiae custodiendae curam, bouis iacturam patiatur, conferatur Io. Seldenus l. I, de I. N. et G. cap. IV. Itaque poena solum est peccantis, peccare autem non est, nisi eius, qui utitur rationali uoluntatis arbitrio, quod in omnibus mortalibus animantibus non nisi homini est diuinitus attributum, ut significanter scribit Mauritius, c. l. p. 46, ubi ex D. Augustino lib. I, de adult. coniug. et pollut. cap. XVI, haec addit uerba, Sed aliud est, cum proprie loquimur, aliud est, cum uerba ex aliis rebus transferendo, uel abutendo, mutamus. In tali utique translatione accipiendum uidetur, quod Petrus Aerodius in rer. ab omni antiquitate iudicatur. Pandect. lib. III, Tit. XVI, cap. I, f. 188, et lib. VI, Tit. VIII, cap. X, f. 332, de poena dicit, ea uidelicet affici non homines duntaxat, qui iniuria, aut bruta animantia, quae impetu, sed etiam res inanimatas, quae pondere ac ruina officiant. Russos olim non bruta tantum, sed inanimatas quoque res, certis identidem affecisse poenis, Adolphus Lyseckus in relat. de legatione Caesarea, Cap. XIX, p. 102, et seqq. narrat, atque exemplis confirmat. In primis capri, qui nobilis cuiusdam, quem Boiarum uocant, filium necauerit, facit mentionem, eundemque ideo primum uerberibus coercitum, deinde exilio multatum, atque in Si-

beriam missum esse, perhibet. Deinceps exemplum affert aeris campani, ob turbatum regnatricis somnum, ex turri deiecta ablati, eodem fere modo castigati, et tandem, post impetratam alterius coniugis augustae precibus ueniam, sed aeternum simul silentium ei iniunctum, humiliore loco repositi. Commemorat etiam de cultro, quem ob uulnus, quod princeps pariter femina ab eo acceperit, in exilium eiecisse, postea uero ob manubrium, ex argento affabre factum, in gazophylacium intulisse, ibidemque in perpetuo quasi carcere asseruasse, scribit. At quis non uidet, id fabulas, de gente optima fingi solitas, redolere. Quodsi ne infantibus quidem et hominibus furiosis, quippe rationis usu destitutis, legum poenae subeundae sint, cur a brutis, nulla omnino ratione praeditis, repetatur poena. Denique, cum ciues imperanti tantum, cui subiecti sunt, dent poenas, satis abundeque apparet, in statu naturali, quippe omnis imperii et subiectionis experte, non ius puniendi, sed tantum uindictam, inuenire locum. Vindicta enim uim uij repellit, et ob acceptam iniuriam a pari inferitur. Poena uero multo aliter se habet, et uariis modis ab iniuriae uindicatione differt. Videatur hic Georg. Beyerus in Delin. Iur. naturalis, cap. XXX, §. 7, seqq. et Andr. Adam. Hochstetterus in libro singulari de iure poenarum, §. III, p. 5. Quare nec bellum datur punitium, seu poenale, hoc est, desiniente Illustri Praefide in Synopsi p. 545, pos. 76, tale, quo summi principes, aut iisdem pares, extraneorum, nec sibi subiectorum delicta, contra Ius Nat. et Gent. admissa, etiamsi nec ipsi, nec eorum subditi, uel socii, ab eis fuerint laesi, nec a laesis in subsidium uocati, punire et uindicare possint. Eiusmodi bellum, ab Hug. Grotio c. supra I, §. XL, et nonnullis eiusdem commentatoribus, saltem sub nomine belli uindicatiui, comprobatur, ex instituto resellit D. Io. Schmidius, Theologus et Philosophus Lipsiensis, in



in dissert. de bello punitino, hab. Lipsiae M DCC XIV. Ius autem naturae poenas praecipere, non tantum permittere, ut Grotius pariter c. l. §. I, putat, inter alios recte statuit citatus supra Zieglerus ad h. l. p. 425. Praecipit enim, inquit, naturalis ratio, bona facienda esse, mala fugienda, omnisque lex, etiam ea, quae Naturae est, facienda praecipit, fugienda prohibet. At frustra prohiberet lex naturae, nisi etiam gladium et uirgas iudici daret, et punire transgressores iuberet, cum imperfecta ea sit lex, quae sanctione caret.

### §. III

Quoniam, ut modo dictum est, ipsum ius naturae poenam, uidelicet generatim, non speciatim, atque indefinite, non definite, praecipit, facile intelligitur, eam certas ob causas necessario inferri, oportere. Tanta enim hominum est corruptio, ut cum Deum, tum socios, laedere non dubitent. Qua de re Deus quidem, pro iustitia sua, homines, diuinas humanasque leges uiolantes, malo afficiendos, iudicat. At, cum idem sapientissimum benignissimumque Numen lento plerumque gradu ad puniendum procedat, paucissimi certe a criminibus poenae diuinæ metu abstinent. Praesentissimo igitur opus est malo, quod eis repraesentetur, qui diuinas humanasque leges migrare ausint, idque in poena consistit. Hinc hominum improbitas morte, exilio, uinculis, aliisque coercetur malis, ut ea, quae legibus sancita sunt, ualeant, et salus publica conferuetur. Graui hoc sententia confirmat Caesar apud Dion. Cassium lib. XLI, ubi οὐτὲ σὺστημα ἀνθρώπων, εἴτ, συμμῆναι καὶ σαθῆναι δύναται, ἂν μὴ κακουργοῦν σὺφρονίζεται. τὸ γὰρ τοιοῦτῶσαν, ἂν μὴ τὴν προσήκοντασιν λάβῃ, συγκείμεν καὶ τὸ λοιπὸν πᾶν ὥσπερ ἐν τοῖς σώμασι. Latine sic, Neque coetus hominum consistere et conferuari potest, nisi male facta puniantur. Aegrotum enim nisi

Quas ob  
causas po-  
na necessa-  
rio infligi  
debeat

conuenientem medicinam accipiat, omne reliquum simul laborat, sicut in corporibus. Quantum reipublicae interfit, iustas debitasque poenas a reis exigere, et grauissima pro merito supplicia de maleficis sumi, Imperator Maximilianus I probe intellexit, utpote qui loca, supplicii fontium destinata, uenerabundus praeteriisse fertur, et his eadem uerbis compellasse, Salue Iustitia, ut commemorat Philipp. Camerarius Centur. I Horar. subcif. Cap. LXXVI, p. 348. Recte hic uocabulum iustitiae fuit adhibitum, cum omnis poena ad iustitiam pertinere debeat. Vtrum uero commutatiua, ut uulgo dici solet, iustitia hic subsit, an distributiua, non magis attinet disceptare, quam de ea iustitiae specie multum differere, quam Sam. Pufendorfius lib. VIII, de I. N. et G. Cap. III, §. V, poenalis, seu uindicatiuae nomine induxit. Meum est, hic modo causas, cur poena iure exerceri possit, enumerare. Seneca Lib. I, de Clementia, cap. XXII, scribit, Haec tria in uindicandis iniuriis Princeps sequi debet, aut, ut eum, quem punit, emendet, aut, ut poena eius ceteros meliores reddat, aut, ut, sublati malis, securiores ceteri uiuant. Itaque tres sunt poenarum fines, quos definitio, superius tradita, pariter comprehendit. Primus est utilitas laedentis, seu emendatio, Graece *νοθεσία* dicta, alter est utilitas laesi, h. e. compensatio, seu satisfactio, a Graecis *ἀναπλήρωσις* nominata, tertius est utilitas quorum libet, Graece *παράδωγμα*, Latine uero exemplum nominata. Sic enim reliqui exempla habent, quibus a sceleribus deterreantur. Ad tertium spectat omnium securitas, qua quilibet, siue domi lateat, siue in celebritate uersetur, perfrui potest. Triplices hi fines uberius quidem ac fusius a doctoribus explicantur, uelut ab Hug. Grotio c. I. §. VII, seqq. Pufendorffio, c. I. §. IX, et lib. II, de O. H. et C. cap. XIII, §. VIII, seqq. Andr. Adam. Hochstettero c. I. §. IV. Attamen omnes ad unum reduci possunt, uidelicet ad tranquillitatis securi-

curitatisque conseruationem. Etenim si delicta, ad perturbandam reipublicae externam pacem apta, sic puniuntur, ut laedenti uoluntas et facultas delinquendi et nocendi adimatur, laeso damnum, a laedente acceptum, iubente magistratu, restituitur, ciuibusque ceteris terror iniiciatur, omnino ciuitas facta tecta ab internis eiusmodi malis, adeoque salua et secura conseruatur.

#### §. IV

**T**ali igitur ciuitatis bono metienda sunt ea omnia, quaecunque ad poenae irrogandae remittendaeue rationem pertinent. Sunt uaria poenarum, a rectore ciuitatis constitutarum, atque a naturalibus, ut dici solent, distinctarum, genera. Quaedam eiusmodi poenarum sunt legitimae, certis nimirum criminibus a lege praescriptae, quaedam autem arbitrarie, id est, ex arbitrio iudicis pendentes. Porro in numero poenarum habentur poenae, uel capitales, uel non capitales appellatae, quarum priorès capite, uel uita priuant. Namque is, qui poenam eiusmodi subit, morte, uel naturali, animi et corporis dissolutione, uel ciuili, ciuitatis libertatisue priuatione, plectitur. Poenae uero, non capitales nominatae, uel corporis coercionem, uel exultationis laesionem, uel rei familiaris damnum complectuntur. Equidem eiusmodi poenarum explicatione lubens hic supersedeo, hocque magis, quod ea apud Iuris ciuilis doctores plenissime tradita occurrit. Attamen aliqua eorum breuiter attingam, quae ad meum quodammodo institutum pertinere, autumo. De poenis capitalibus ambigitur, an ciuilibus eae delictis constitui possint. Hoc conceditur quidem, eum, qui alterum dolo interficit, merito morte multari. Nam, cum poena eo etiam spectet, ut damnum, alteri ab altero illatum, restituitur, uita autem reddi non possit, perspicuum est, istum, qui

Qualis poenae irrogandae remittendaeue ratio hinc existat.

qui socium necat, iure a magistratu capite plecti, atque eodem, quod alteri intulit, malo affici. Est hoc tum naturali rationi consentaneum, tum lege uniuersali, diuinitus lata, sancitum. Quam ob causam ne summum quidem imperantem ius ueniam hic dandi habere, plerique existimant. Videatur Adami Rechenbergii disput. de iure Principis Christiani aggratiandi, circa homicidium negato, Lips. M D C C II, Io. Dan. Henrici diss. de homicidio doloso, supra ius aggratiandi posito, Ienae M D C C VIII, et Henrici Bodini Diatribae de non remittenda poena capitali homicidii, addita eius dissertationi de poenis innocentum, Halae M D C C II, quamquam sententia contraria statuitur in Philipp. Ludouici Hannekenii dissert. de iure gratiae principis in reos noxae capitalis, hab. Vitembergae M D C C I, et simul cum Carol. Otton. Rechenbergii dissertat. de iure aggratiandi circa homicidium, edita Lips. M D C C XII, in Christiani Thomassii diss. de iure aggratiandi Principis Euangelici in causis homicidii, Halae M D C C VII, itemque in David. Stauinskii dissert. de iure Principis poenas, lege diuina determinatas, mitigandi, uel remittendi, Regiomonti M D C C IV. At uero hanc deum homicidii capitalis poenam esse retinendam, nonnulli putant, nec ad alia delicta applicandam, nisi quibus poenam talem ipse Deus constituerit, utpote qui sapientissimus sit legislator, optimeque sciat, quales poenae ad delictum habeant proportionem. Ita sentire uidetur Hugo Grotius lib. II, de I. B. et P. Cap. I, §. XIV, ubi ualde probabilem iudicat hanc sententiam Scoti, fas non esse, quemquam ad mortem damnare, nisi ob delicta, quae lex, per Moysen data, morte puniuit, addito duntaxat, aut quae his sunt paria, recta aestimatione. Sed diuersarum rerum publicarum diuersa habenda est ratio. Vt enim sapientissimum Numen cum leges, tum poenas, a se praescriptas, ad populi Iudaici statum accommodauit, sic prin-

principem, qui regni ciuiumque suorum indolem bene cognitam habet, poenas ad eam rite conformare, oportet. Nam possunt certa delicta ciuium, pro hominum rerumque conditione, uni Reipublicae magis, alteri minus, nocere, ideoque necesse est, ea diuersis etiam poenis coercentur. Sic nostris legibus saepenumero hae mortis poenae, quae apud Iudaeos usu uenerunt, haud exercentur. Huic enim, qui parentibus iniuriam intulerat, ex legibus Hebraeorum mortis poena erat perferenda, quod autem multo aliter fit apud nos. Contra, uero nostris legibus quibusdam criminibus, licet hoc ab Hebraeis non fuerit factum, mortis poenae constituuntur, quod et frequentiora, et grauiora existunt, ideoque nimium multis grassantibus opus est exemplo, ut loquitur Ictus Saturninus, l. 16, §. 10, D. de poen. siue, ut ciuili sapientia praestantissimus Symmachus lib. II, ep. XIII, id exponit, tantum denuo legibus seueritatis est addendum, quantum flagitia creuerint. Apparet hoc ex furto, quod apud Hebraeos quidem uel dupli, uel quadrupli, uel etiam pluris, poena uindicari solebat, apud nostros autem poena laquei, uel saltem relegationis, tum simplicis, tum fustium ictibus coniunctae, expiatur. Quod triplex quidem genus poenae cum damnatione ad carcerem publicum, emendandis censura et labore malis hominibus destinatum, siue ergastulum, permutandum esse, nonnulli arbitrantur, ueluti Frider. Kraufoldus in discursu Iurid. polit. de miraculis et egregiis usibus S. Raspi, non den Wunderwerken und uortreflichen Nutzbarkeiten des Rasp- und Zucht-Hauses, Martisburgi M DC XCVIII, 4. Conf citati Henrici Bodini dissert. de fustigationis usu nociuo hodierno, Halae M DCC VII, et Iuli Bernhaldi de Rohr Einleitung zur Staats-Klugheit, cap. XVIII, p. 523, seqq. ubi non modo fustigationem, sed irrogationem quoque infamiae, amputationem certi membri, aliasque eiusmodi poenas, certis ex cau-

sis impugnat. At uero poenam suspendii, pro iusta, ac furibus certis, quippe perniciosissimis publicae priuataeque securitatis turbatoribus, debita, habendam esse, doctores Iurifconsultissimi dudum probarunt, conf. hic Illustres Praesid. disput. de suspendio furis, ex ratione naturali et ciuili considerato, habita hic Vitembergae M DCC XXII. Et, quamquam de ceteris poenis, modo expositis, sententia doctorum hoc minus reiicienda est, quod in ipsis Saxoniae nostrae comitiis consilium eas, in primis fustigationem, cum perpetua relegatione coniunctam, mutandi, et mares in opera publica, feminas autem, uirgis caesas, in ergastula condemnandi agitatum fuit, commemorante, et talem mutationem exoptante Christiano Iacobo Heilio in libro de Iudice et defensore in Processu Inquisit. Cap. VI, §. III, p. 338, eae tamen hactenus retineri possunt, quoad, rarius et prudentius adhibitae, bono publico conducunt. Quaecunque enim poenae ad obtinendum eiusmodi bonum ualent, eas non iniustas censeretur, oportet. Hanc ob causam poenae modo augeri, modo temperari, modo etiam omitti debent. Parentum perduellium filios infamia et egestate puniri, ideo durum quidem uidetur, quia poena debet tenere suos auctores, et delictum est meritum personale, quod ultra personam delinquentis extendi haud liceat. Attamen si talis poena alios ab atrocissimo hoc crimine detertere potest, tantum abest, ut plane iniusta iudicari debeat, ut eo conuenientior sit censenda, quod hoc modo ea, quae uindictam, filiis fere insitam, adiuuare possunt, uidelicet opes et dignitates, praecedantur, uti hanc rationem cum aliis attulit Io. Frid. Hoecknerus in disp. de poena parentum perduellium, ad liberos perueniente, Lipsiae M DCC VI. Quid, quod, idem ob crimen aedes interdum dirutas fuisse, scriptores memoriae prodiderunt, e. g. Liuius lib. II, cap. XLI, Spurii Cassii, perduellionis rei, ideoque de Saxo Tarpeio

peio deiecti, domum, ad memoriam poenae, publice constitutae, euersam esse, meminit. Conf. hic Aerodius c. supra l. f. 371, qui, ob alia insuper facinora aedes destructas fuisse, commemorat, quemadmodum Pontifex Romanus, Sixtus V, domum, ex qua duo homines libidinosi uirginem rapuerant, deiici, atque ad detestandum maleficium, in ipsis uigiliis sanctissimi Natalitii commissum, super eius rudere raptores in furcam suspendi iussit, narrante Greg. Leti in uita huius Pontificis, Italice scripta, part. III, lib. I, p. 115. Pari ratione, ubi exempli statuendi necessitas, aliaue ratio ciuilis, subest, poena ad absentes quoque et mortuos extendi potest, eatenus, ut uel executio fiat in effigie, h. e. cognita magistratus uoluntate, eiusque sententia lata, imago delinquentis a carnifice eodem tractetur modo, quo ipse praesens tractari debuisset, uel in cadauer fontis, iam puniti, ob nouum crimen, idque grauius, detectum, noua statuatur poena, uel corpus rei, ante executionem sententiae, siue naturali morte, siue uiolenta, extincti, poena, ipsi reo debita, afficiatur, ita docentibus inter alios Anton. Christian. Lubbio in comment. de poenis absentium et mortuorum, uon Bestrafung der Abwesenden und Todten, Ienae M DCC XVIII, Adrian. Beyero in disp. de Cadaueribus punitorum, uon bestrafften Delinquenten, Ienae M DCC IX, Halae recusa M DCC XX, Carol. Paull. Hoennio in disp. de Cadaueribus puniendorum, seu de poena corporali mortuorum, Aldorf. M DC LXXXV, Io. Georg. Culpisio in disput. de iure circa cadauera punitorum, Gieslae M DC LXXXIX, Io. Kleinio de executione in cadauere delinquentis, uon Bestrafung des Missethaeters nach seinem Tode, quae continetur in uolum. disput. eius Iurid. no. XXIV, p. 1223, et Henr. de Cocceii in disp. de Iustitia poenae, in absentes, uel mortuos, statuendae, atque in effigie executendae, Francos M DCC XI, in tom. II eius exercitatio-

p. 103. Quodsi uero hic finis, quem modo indicaui, non subsit, princeps reos uel leuioribus poenis afficere potest, uel eisdem ueniam dare. Nam boni principis est in hac quoque officiorum parte, quoad eius fieri possit, exemplum prudentissimi Proconsulis Romani, Agricolae, imitari, qui omnia scire, non exequi omnia, paruis peccatis ueniam, magnis seueritatem commodare, nec poena semper, sed saepius poenitentia contentus esse, uoluit, teste Tacito in uit. eius, cap. XIX.

### §. V

Quid dubitationis poenae occultae habere uideantur.

**H**actenus ea, quae ad pernoscendam poenae naturam spectant, satis, pro instituto meo, exposuisse mihi uideor. Venio nunc ad poenas, occulte sumtas. De eiusmodi poenis, si quis ex tribus, quos supra attuli, finibus, uidelicet emendatione peccantis, satisfactione laesi, exemplo in uulgus, siue ex unico, ad quem ceteri reduci possunt, sine bono nimirum publico, simpliciter existimet, is quidem eas id circo improbare posset, quod aliis in ciuitate hominibus parum prodesse uideantur. Non occultari, sed in ciuium conspectu poni, oportet, poenas, ex quibus illi documentum capere debent, quid scelerum flagitiorumque reis sit extimescendum. Namque poenarum fructus omnium maximus pertinet ad exemplum, ut recte iudicat Io. Bodinus lib. I, de Republ. cap. IV. In eadem plane sententia est Fab. Quintilianus, cum, Quoties, ait, noxios crucifigimus, celeberrimae eliguntur uiae, ubi plurimi intueri, plurimi commoueri hoc metu possint. Omnis enim poena non tam ad delictum pertinet, quam ad exemplum, in declam. CCLXXIV, f. 471. Ob eamque causam non nocturno demum tempore, ut apud Lacedae-



cedaemonios usitatum hoc fuisse, Valer. Maxim. lib. IV, cap. VI, sub finem tradit, sed diurno, Romani pariter, atque alii etiam nunc populi solent, damnatos supplicio afficere, eosdemque publice per theatra, per fora, ad exemplum deductos. Quod Seneca commemorat ita, Hic, (reipublicae praeses ciuitatisue rector) damnatum, cum dedecore et traductione, uita exigit, non quia delectetur ullius poena (procul enim est a sapiente tam inhumana feritas) sed ut documentum omnium sint, et, qui uiui noluerunt prodesse, morte certe eorum Respublica utatur, lib. I, de ira, cap. VI. Itaque, cum supplicium, sceleratis infligendum, homines longe lateque ad spectaculum attrahit, et criminis commissi atrocitas ante eorum oculos uersatur, tum utique efficitur, ut, bonis in obsequio confirmatis, mali a delictis deterreantur. Quodsi leones, in aliquot Africae partibus, prouinciam magno infestantes numero, unius, ex hoc animantium genere, in crucem sublatis, publicoque loco expositi, adspectu perterriti, in fugam se coniciunt, ut Picinell. in Mundo Symbol. lib. V, §. 478, memoriae prodidit, profecto uix fieri potest, quin homines, in homine, seuerius punito, obrutum figentes, concitentur. Patibula, furcae, gabali, gemoniae, rotae, et pilae publica sunt specula, in quae intuentes ad foedum inceptu foedumque exitu uitandum, contra ad rectum bonumque in omni uita tenendum, erudiuntur. Quare Nicol. Rigaltius, Regiae in Gallia bibliothecae praefectus, cum supplicium de aliquo sumeretur, domesticos suos ad illud uidentem misit, eos in scholam abire iubens, Menag. tom. I, f.

deatur. Hinc fit, ut propinqui illius, qui clam interfectus est, cum istum, quem modo charum habuerunt, praeter omnem opinionem e conspectu sublatum, sentiant, iustas conquerendi causas se inuenisse, putent. At non uita solum, sed etiam magna, qua forte floruit, fama priuatur, et in eius splendidissimam familiam saepius maxima infertur ignominia. Sic punientis etiam principis minuitur fama, cuius tamen studium ei commendatissimum esse debeat. Praeclare in hanc sententiam disserit auctor anonymus Politici Christiani, Gallice descripti (Politique tres chrétiens) p. 136, ubi uerba, Latine reddita, haec fere sunt, Iustitia libera est; et publica esse debet ad exemplum. Talis autem occultatio (poenae) unicuique occasionem praebet, pro eo, atque animi fert impetus, iudicandi, et saepius id, quod honestati est consentaneum, pro crudelitate habetur. Factum publicum instar exempli est, occultum uero non nisi querimoniam excitat. Quapropter Princeps, ad amouendam suspicionem, praecidendasque querelas, publice poenas exequatur. Intellexit hoc Ioannes de Vega, Prorex Siciliae, qui, cum femina Palermitana, centum millia aureorum offerens, supplicium, de marito in loco publico sumendum, deprecaretur, recusatis illico nummis, respondit, Iustitia non habet locum, nisi in publico fiat loco, Gracian. in libro, quem Hispanice inscripsit Agudeza, discurs. XXX. Denique, si quis clam ad supplicium datur, ea, quae commeruit, morte digna, libere et in conspectu multorum hominum, priusquam ad mortem ducatur, confiteri nequit, cum tamen multitudinis inter sit, scire, utrum merito plectatur, an indigna perpetiatur. Qua de causa apud ueteres Francos haec fuit consuetudo, ut rei damnati, priusquam supplicio fuerint traditi, ad concionem sacram ducti, crimina, a se commissa, coram Deo et hominibus confiterentur, prout

prout ex Sigiberto id probat Io. Nic. Hertius in Notit. Regn. Fanc. ueter. cap. V, §. L, in Vol. II dissertat. eius, p. 429. Tamenſi uero quidam, adhuc magna harum aliarumue rationum momenta, quibus ſententiam meam infringant, ſe habere, exiſtiment, grauiffimae tamen mihi ſuppetunt cauſae, quibus, interdum poenas occulte ſumi, oportere, efficitur, uti mox declarabo.

§. VI

Cum igitur poenas in certis caſibus occulte ſumi et poſſe et debere, nunc probare inſtituam, ante omnia generale proponendum eſt fundamentum, quo tales poenae nitantur. Hoc fundamentum eſt prudentia ciuilis, h. e. facultas animi actiones omnes ad conſeruationem ciuitatis, ſeu ſtatus ciuilis, ita dirigendi, prout res conſequentes, aut circumſtantes, poſcere uidentur. Longam ac perinde operoſam huius prudentiae deſcriptionem habet uir πολιτικώτατος, Io. Henr. Boeclerus in diſſertat. de Hiſtoria, Principum Schola, §. IX, in diſſert. eius Academ. uol. I, p. 115, ubi ex Cicer. lib. II, de Inuent. cap. III, tres eiufdem prudentiae partes, Memoriam, Intelligentiam, et Prouidentiam, ita exponit, ut, Memoriam ex euentuum copia, tanquam ex theſauro, prudenter tractando, exempla et rationes depromere, Intelligentiam uero de praefentibus, accurate penitusque perſpectis, rectiſſime ac ueriſſime iudicare, Prouidentiam denique futura ex praeteritis et praefentibus callidiſſime

Quo fundamento poenae occultae nitantur.

ait, munera prudentiae requiruntur et praeteritorum memoria, et intelligentia praesentium, et providentia futurorum. Haec tres prudentiae partes nonnulli appellant tres oculos, quorum primus ad praeterita, secundus ad praesentia, tertius ad futura dirigitur, adeoque prudentia tria simul tempora observat, suaeque iudicia et instituta cum conditione eorundem conformat. Alii autem doctores, veluti Philaretus, seu, vero nomine, Io. Clericus, lib. I, Ethic. cap. XII, p. 289, et quodammodo Arnold. Geulinc, in tract. VI Ethic. p. 393, quatuor statuunt prudentiae partes, Attentionem, Circumspectionem, Providentiam, et Discretionem. Attentio, aiunt, pertinet tum ad leges et instituta Reipublicae, tum ad facta praeteriti temporis, tum denique ad perpendenda rerum agendarum momenta et pondera, ne quid viribus impar suscipiatur, aut, quod temere susceptum est, cum dedecore et damno intermittere, oporteat. Circumspectio in considerandis hominum rerumque attributis, seu vulgo circumstantiis, velut personis, modis, temporibus, et locis, versatur, utpote quae ad diiudicandas aestimandasque actiones plurimum valent. Providentia actionis eventum, atque adeo, quid eam suscepturo aliisque inde futurum sit, prospiciendo se exerit. Discretio denique in distinguendis bonis et malis, maxime in eis, quae speciem duntaxat boni prae se ferunt, excutiendis, et omnino in bono deligendo fine, tenendaque eius consequendi via et ratione idonea occupatur. Talem igitur prudentiam adhibere debet imperans, si poenam, qualiscunque fuerit, ad bonum publicum, quippe finem poenae praecipuum, supra propositum, siue ad civitatis suae salutem, referre studet. Et enim salus populi lex prima et summa est, ad quam ceteras omnes referri, oportet. Quicquid conservandae reipublicae conducit, id iustissima nititur ratione, e contrario, quicquid

quid detrimentum ei affert, id iniquum merito censetur. Reipublicae demum ratio et utilitas est illa consiliorum factorumque omnium norma et regula, quae hominibus politicis et pragmaticis Ratio status, uulgari quidem nomine, in meliore tamen sensu, dici consuevit, ut recte docet Hermann. Conringius in dissertat. de Ratione status, §. VII. Proinde, ut gubernatori cursus secundus, medico salus, imperatori uictoria, sic moderatori Reipublicae beata ciuium uita proposita est, iudice Scipione, apud Cicer. libr. VIII, epist. ad Attic. ep. XI. Quemadmodum uero et gubernatori, et medico, et imperatori conuenit, ut, quae ad suum quisque finem necessaria ducit, ea consulto prudenterque agat, ita moderatori etiam ciuitatis, cum in negotiis quibuscunque gerendis, tum certe in statuendis poenis, tali opus est prudentia, qualem omnibus ex partibus descripsi. Tria uique consideret, necesse est, praeterita quidem, ut, quid poena, hoc alioque modo sumpta, effecerit, quale commodum, quale damnum, attulerit, uel usu et experientia edoctus, uel historia rerumue ueterum memoria instructus, sciat, praesentia autem, ut, quas poenas natura et indoles hominum, sibi subiectorum, itemque rerum circumstantium et consequentium ratio, postulet, probe habeat perspectum, futura denique, ut, quae bona, quae mala, ex poenis euenire possint, prospiciat, eoque sua referat consilia, quoad eius fieri possit, cum homo facile in errores labatur, et saepius, optime cogitata pessime cadere, sentiat, plane autem omnia prouidere, et prouisa sapienter administrare, solius Dei sit proprium. Quod si igitur

## §. VII

Quaenam  
sunt causae  
earum sin-  
gularis.

Sed cum praecipuae causae, cur ex ratione status poenae, modo a me descriptae, interdum occulte constituentur, afferendae sint, in iis persequendis nunc operam curamque meam pono. Animo igitur complector insignem uirum, in aula uersantem, et magnorum criminum reum. Si hic uel gloria maiorum, uel sua auctoritate et potentia, uel cognatorum affiniumque necessitudine, uel amicorum coniunctorumque societate, uel populi studio et fauore, in eadem maxime floret, uerendum est, ne regnum, si damnatus in conspectu populi detur ad supplicium, tumultu perturbetur. Etenim plebeiorum suppliciis aliorum audaciam terreri, insignium hominum caede accendi, uere iudicat Illustis Christophorus Forstnerus, in not. ad lib. II; Taciti Annal. Cap. V, ad uerba, Ceterum Tiberio haud ingratum accidit, p. 218, ubi Ferdinandi, Ducis Albani, Gubernatoris Belgici, imprudentiam coarguit. Nam Egmondanum et Hornanum, Belgii proceres, quos populus charissimos habebat, medio in foro, et in conspectu populi, capite multauit. Idem Forstnerus iam antea in not. ad lib. I, cap. X, ad uerba, Proscriptionem ciuium, cetera, p. 53, hoc Albani factum reprehendit, Ferdinandus, inquit, Albae Dux, Belgarum procerum primos, Egmondanum et Hornanum, capite plexit, arbitratus, nihil aufuram plebem, principibus amotis. Quam autem infeliciter successerit hoc consilium, nouit orbis. Prudentius olim Vitellius Iulium Ciuilem periculo, quod ei ab iratis militibus impendebat, exemit praepotentem inter Batavos, inquit Tacitus lib. I Histor. cap. LIX, ne supplicio eius ferox gens alienaretur. Ecce domesticum huius generis exemplum, quod utinam secutus esset Albanus. Athe-

narum

narum Dux a Florentinis ad ordinandam rempublicam suam uocatus, cum iisdem insisteret modis, per seditionem urbe pulsus est, Leonard. Aretin. Scipio Ammiratus in historia Florentina. Nicolaus Corradiensis supplicio Conradi Vigontii, exulis quidem, sed praeualidi clientelis in urbe Patavina, animos civium ita exasperavit, ut uocato Cane Scaligero urbem tradiderint, Io. Bapt. Pigna IV, histor. Aestin. Sic Forstnerus, qui idem repetit iudicium in not. ad lib. XI, Cap. XIX, ad uerba, Caede eius motae Chaucorum mentes, p. 96. Pari modo Famian. Strada, Decad I, de bello Belgico, lib. VII, p. 328, Albani factum tam crudele, quam temerarium memoriae prodidit. Commemorat, hos duos Belgarum proceres tristem habuisse uitae exitum. Capite enim in foro plexi, et utriusque capita geminis praefixa pilis ferreis, quo mors eorum testamur esset, per duas horas populo fuerunt spectaculo. Nec praetermittit, fuisse quosdam, qui, acria illa Belgarum studia, execrationemque Albani nominis animaduertentes, affirmarent, ea caede stabilitas tunc primum esse foederatorum partes, praesagirentque, breui Belgium omne tumultibus, contra quam Albanus existimauerat, inuoluendum. Postremo his utitur uerbis p. 329, Et sane ab aliquibus haud dubitatum est, quin consultius egisset Albanus, si, clam punito Egmontio, non eam scenam ac pompam ingratae nimium populo tragoediae conquississet. Et enim male admouentur oculi spectando illius supplicio, cuius causam commiseratio meliorem facere uideatur. Eodem supplicio Egmondanum et Hornanum affectos esse, grauissimum rerum explicator, Iacob. Aug. Thuan. lib. XLIII Histor. ad A. MDLXVIII, f. 875, b, commemorat, dicens, Quare magnus populus illis terror ad praesens iniectus. sed qui temporis tractu

hanc sententiam accedunt etiam alii scriptores, uelut Christian. Matthiae in Theatro Histor. p. 1096, b, ubi primum commemorat supplicium, de Comitibus Egmondæ atque Hornæ sumtum, tum mentionem facit crudelitatis Albani, tyranni magnæque animi ferocitatis, qua, octodecim millia Belgarum paucis annis carnifici se tradidisse, temere gloriatus est, postremo haec addit uerba, At qualem fructum haec crudelitas habuit. Hunc certe, ut pleraeque Belgicae prouinciae, ad extrema redactae, Regem suum, ceu tyrannum immanem, omni imperio indignum iudicantes, arma contra eum animosissime susciperent, Wilhelmum, Principem Vraniae, Heroem et bellatorem fortissimum, rebus suis praeficerent, seque suo Marte in libertatem uindicarent, cetera. Quid, quod Philipp. Brierius, etsi Loioliticae addictus sit societati, in Annal. Mundi, seu Chronic. uniuers. tom. VII, p. 333, scribere non ueretur, Egmondano et Hornano, Comitibus, publici serui manu, Bruxellis demessa capita, lugentibus omnibus, et iis maxime, qui Sanquintini praelii meminissent, Egmondani quoque Secretarium quadrigis laceratum esse, aliosque fautores eius igne crematos, tanto Albani odio, ut uulgo Busiris Belgicus appellaretur. Praeterea Traian. Boccalini in Centur. II Relat. cap. XLIV, fingit, Albanum ob tale supplicium in Parnasso coram Apolline, ad causam neglectae prudentiae dicendam, comparere debuisse. Plenior, eamque germanicam, supplicii Egmondani et Hornani descriptionem exhibet nobis Christophor. Boetius in lib. Großer-Staats und Kriegs-Minister Glücks- und Unglücks-Faelle no. VII, et VIII, p. 59. seqq.